



ԵՐԿՈՒՇԱՔԹԻ, 17 ՅՈՒՆ, 2023

**ՏԵՐՈՒՆԱԿԱՆ ԱՊՈԹԵ**  
(միասնաբար արտասանուած)

**Ի**մաստուծին Հօր Յիսուս, րուր ինձ իմաստուծին պարիս խորհել եւ խօսել եւ գործել առաջի քո յամենայն ժամ. ի չար խորհրդոց, ի բանից եւ ի գործոց փրկեալսս. եւ ողորմեալ քո արարածոց եւ ինձ բազմամեղիս: Ամէն:

**ՍԱՂՄՈՍ 37**

**ԶԱՐԵՐՈՒՆ ՈՒ ԲԱՐԻՆԵՐՈՒՆ ՎԱԽՃԱՆԸ**

**Յ**եռու մնայ չարիքէն, եւ բարիք ըրէ,  
եւ յաւիտեան պիտի ապրիս.  
որովհետեւ Տէրը կը սիրէ իրաւունքը,  
եւ երբեք չի լքեր իրեն հաւաքարիմ մարդիկը,  
այլ՝ կը պահպանէ զանոնք յաւիտեան.  
մինչդեռ ամբարիշտներու զաւակները  
Տիրոջ ներկայութենէն պիտի վարտուին:  
Արդարները պիտի ժառանգեն երկիրը,  
եւ առջաւեպ անոր վրայ պիտի բնակին:  
Արդարին բերնէն իմաստութիւն կը բղխի,  
անոր լեզուն կը խօսի ինչ որ արդարացի է:  
Սրտին մէջ ունի իր Աստուծոյն Օրէնքը,  
ուստի բնաւ ուղիղ ճամբէն չի շեղիր:  
Ամբարիշտը ծածուկ կերպով կը հետեւի  
արդարին ամէն մէկ քայլափոխին,  
եւ զայն սպաննելու առիթ կը փնտրէ:  
Սակայն Տէրը ամբարիշտին ձեռքը պիտի չթողու զայն,  
եւ թոյլ պիտի չտայ որ արդարը դատաւարտուի,  
երբոր դատի քաշեն զայն:  
Տիրոջ վստահէ, անոր կամքին հնազանդէ,  
եւ անիկա քեզ պիտի բարձրացնէ՝  
քեզի ժառանգութիւն տալով երկիրը.  
եւ պիտի փեսնես ամբարիշտները հոնկէ վարտուած:  
Ճանչցայ ամբարիշտ մարդ մը, բռնաւոր մը,  
վեր խոյսցած՝ խորարմատ դալար մայրիի մը պէս.  
Ժամանակ մը ետք հոնկէ անցայ, եւ արդէն չկար.  
փնտրցի զայն, եւ հետքն իսկ չգտայ:  
Ուշադրութեամբ դիտէ արդարը, փես ուղիղ մարդը,  
որովհետեւ այնպիսիին վախճանը՝  
խաղաղութիւն պիտի ըլլայ.  
բայց յանցաւոր մարդիկը միասնաբար պիտի ջնջուին.  
ամբարիշտներուն վախճանը՝  
Տիրոջ ներկայութենէն արտաքսում պիտի ըլլայ:  
Արդարներու փրկութիւնը Տիրոջմէ կու գայ.  
նեղութեան ժամանակ՝ ինքն է անոնց պաշտպանը:  
Տէրը կ'օգնէ անոնց եւ կ'ազատէ.  
զանոնք կ'ազատէ ամբարիշտներէն,  
եւ կը փրկէ, որովհետեւ անոնք իրեն կ'ապաւինին:



**ՉԱՐՈՒՆԱԿԵՆՔ ԵՒ ԲԱՐԻՆԵՐՈՒՄՆ ՎԱԽՃԱՆԸ (Շար.)**

Շարունակենք Սաղմոս 37:27-40 հմր: Կը շարունակէ եւ այս անգամ թելադրութիւնը կու րայ, որ փոխանակ սիրորը նեղելու, փոխանակ անօրէն մարդոց նախանձելու, ընդհակառակը՝ հեռու մնա չարիքէն, եւ անոր փոխարէն բարիք ըրէ, որպէսզի յարեան ապրիս: Այլապէս նախանձը մարդս կ'առաջնորդէ չարիքի, ինչպէս որ էր պարագան Կայէնին, երբ նախանձ արթնցաւ եղբօրը հանդէպ, ուրիշ բան չմտածեց եթէ ոչ չարիք եւ սպաննել իր եղբայրը: Մանաւանդ եւրբ Աստուած իրաւունքը սիրող Աստուած է, կը նշանակէ Աստուած նաեւ պիտի պաշտպանէ իրաւունքս: Որովհետեւ յաճախ այնպիսի փրամադրութիւն կ'ունենանք որ ով պիտի պաշտպանէ արդարին իրաւունքը, Աստուած ինք է արդարին իրաւունքը պաճշտպանողը: Առաւել եւս Աստուած երբեք պիտի չքէ իրեն հաւատարիմ մարդիկը, ու պիտի պահպանէ մինչեւ յաւիտեան: Իրեն հաւատարիմ մարդիկը նաեւ այն մարդիկն են որոնք չարիքէն հեռու կը մնան եւ բարիք կ'ընեն: Մինչ ամբարիշտներու զաւակները Տիրոջ ներկայութենէն պիտի վրարուին: Ինչո՞ր զաւակները: Եթէ ծնողները իրենք ամբարիշտ են, զաւակներուն յանցանքը ի՞նչ է: Այսպէս խօսքը կը վերաբերի, այն մասին, որ երբ ամբարիշտ չի վերադառնար իր սխալ ընթացքէն, առաւել եւս իր զաւակներն ալ նոյն ուղղութեան կը հետեւին, այլապէս եթէ զաւակները դարձի կու գան կամ եկած են, ապա անոնք կ'չնան վայելել Աստուծոյ պաշտպանութիւնը: Դարձեալ յիշեցում, «Արդարները պիտի ժառանգեն երկիրը»:

Արդարը նաեւ այն մարդն է, որուն բերնէն իմաստութիւն կը բոխի, եւ անոր լեզուն կը խօսի ինչ որ արդարացի է, որովհետեւ այդ բերնէն դուրս եկած իմաստութիւնը աստուածայինն է, եւ ուստի այդ իմաստութեամբ ալ խօսուածը արդարացի է: Եւ որովհետեւ բերանը սրտին աւելցուքն է որ դուրս կու րայ, ինչպէս պիտի ըսէ Քրիստոսի, ուրեմն անոր սրտին մէջ ալ կայ Աստուծոյ Օրէնքը, Անոր պատուիրանները, որ գիշեր ցերեկ անոնց վրայով կը մտածէ, եւ ուստի ճամբէն չի շեղիր: Որովհետեւ այդ խօսքերը լոյս են եւ ճրագ քայլերուն եւ շախիղներուն: Դարձեալ կը ներկայացնէ թէ ինչպէս ամբարիշտը ծածուկ կը հետեւի արդարին զայն սպաննելու միտումով, բայց աստուածիւմ կը վարահեցնէ, որ թոյլ պիտի չտայ որ արդարը դատապարտուի երբ դարի քաշեն:

Յիշեցումի գնով դարձեալ կ'ըսէ, «Տիրոջ վստահէ, Անոր կամքին հնազանդեմ, եւ Անիկա քեզ պիտի բարձրացնէ՝ ժառանգութիւն րալով երկիրը», բայց ամբարիշտը հոնկէ պիտի վրարուի: Կը նմանցնէ ամբարիշտ մայրի ծառին պէս խոյսցած, հպարտ, բայց յաջորդ անցնելուն հոն չէ այլեւս, հետքն ալ չկայ: Եւ կը հրաւիրէ որ ուշադրութեամբ նայինք երկուքին՝ ամբարիշտին եւ արդար մարդուն: Որովհետեւ յաճախ բաներու կը նայինք, բայց ոչ ուշադրութեամբ, այսինքն՝ խորափախանց, ոչ հարեանցի: Եւ ապա պիտի րեսնենք որ արդարին վախճանը խաղաղութիւնն է, մինչ յանցաւոր ու ամբարիշտ մարդոց վախճանը՝ Աստուծոյ ներկայութենէն արտաքսում: Արդարներուն փրկութիւնը Տիրոջմէն է որ կու գայ, նոյնիսկ նեղութեան ժամանակ Տէրն է անոնց պաշտպանը: Այսինքն՝ նեղութիւն ալ ըլլայ, Աստուած խոստացեր է որ պաշտպանէ, մանաւանդ երբ արդարներն ալ իրենց վարահութիւնը Անոր վրայ դրեր են:

**ՇԱՐՈՒՆԱ- ԱՂՈԹՔ**

*Տէր ողորմեա, Տէր ողորմեա, Տէր ողորմեա, Տէր ողորմեա:  
Վմենասուրբ Երրորդութիւն, սուր աշխարհիս խաղաղութիւն:  
Եւ Հիւանդաց բժշկութիւն, ննջեցելոց արքայութիւն:  
Արի Աստուած Հարցն մերոց, որ ապաւն ես նեղելոց:  
Տէր ողորմեա, Տէր ողորմեա, Յիսուս Փրկիչ մեզ ողորմեա:*

*Պահապան ամենայնի Քրիստոս,  
աջ քո հովանի լիցի ի վերայ իմ ի տուէ եւ ի գիշերի,  
ի նստիլ ի տան, ի գնալ ի նանապարհ,  
ի ննջել եւ ի յառնել, զի մի երբեք սասանեցայց.  
Եւ ողորմեա՛ քո արարածոց եւ ինձ բազմամեղիս:*